

劍川州志

劍州志卷之二

藝文

文

藝文

文

文

文

文

藝文

文

文

文

文

藝文

文

文

文

文

藝文

文

文

文

文

劍川州志

劍川州志卷之二十

藝文

志有藝文猶天有日星地有物產天不以荒微而懸
象弗昭地不以僻壤而百昌弗育人不以遐裔而文
章不著劍雖彈丸之地而先達通籍膺寵賁之恩綸
鉅公臨軒發山水之清響他如忠盡之臣建言封事
博古之子吟咏風騷日星物產而外文章又豈少哉
爰蒐舊編間登新構志藝文

太僕寺卿仍管御史何可及并父母妻誥命

制曰朝廷欲子天下利病吏治善賤惟一二執法之臣
以為朕視聽也故能以天下事入告於內而因以諭
朕意於外則可謂能其官矣矧急轉輸而資軍國勞
勩特著褒崇可後耶爾天僕寺少卿仍管陝西道監
察御史何可及志行清貞才猷敏練循良茂績十奇
爭美於鳬翔蹇諤蜚聲六察式資於鳥集朱衣懷諫
草挾正氣而厲風霜白簡露彈章揭清光而開日月
爰亢星使直壓波臣秉笏節以行數千里淮河利濟

駕驄來且止四百萬供億遄飛共飲舟楫之長林克
副廟廊之鉅任躍龍騁驥應凡馬之空群扶轂銜天
覩奔蹏之辟易覘爾幹局允為國禎茲以覃恩授爾
階中憲大夫錫之誥命爾尚益殫嘉猷翼予新政垂
紳魏闕務輸耳目之精忠典旤天閑更竭股肱之遠
力嗣有顯陟答爾成功欽哉

制曰士以儒稱其潛植者既深其滋榮者必遠固不在

善身謀收近效也乃有佑啓後人用作朕耳目者則
實藉貽謀燕翼矣爾原封文林郎陝西道監察御史

何桂枝乃太僕寺少卿仍管陝西道監察御史何可
及之父恪修素履直道還醇行誼不媿古人孝友夙
成天性冥鴻矯矯雅不授彼樊籠雛鳳翩翩騰已冲
茲霄漢蜚聲民牧正色諫垣袖裡彈文即是詩書庭
訓囊中疏草無非忠孝嘉謨鍾鼎方殷依紫微之日
月耆碩愈茂傲元圃之烟霞茲用封爾為中憲大夫
太僕寺少卿王言永服如絲壽祉駢臻酌斗

制曰母以子貴禮有常經子業已膺柱史贊堯階乃使
追念庭萱徒懷線縷將錫類之典謂何爾原贈孺人

李氏乃太僕寺少卿仍管陝西道御史何可及之母
儉勤為質慈孝作經通勉同心成儒流之高尚柔嘉
主醜表內則之令儀麟趾鍾祥天池發迹宣慈撫子
樂郊呈見璽之禎符著直糾繩帝里馳埋輪之駿譽
眷爾本坤貞而應地肆予宜鼎命以承天是用特加
贈爾為恭人綸音增坊斧之光瓜徙衍簪纓之慶
制曰士當攻苦下帷時矢志摩霄惟荆布之賢與共及

身都通顯而不獲食報斷絃遺佩愴然其懷特有揚
徽之典以報泉下耳爾太僕寺少卿仍管陝西道監

察御史何可及妻贈孺人李氏柔靜宜家溫恭若性
調羹配而飭七箸孝媚尊嫜工織紉以贊黹紉勤襄
夫子方矢白頭之咏允矣同心忽乖綠髻之期傷哉
中道連枝早折惜麗影於柏臺比翼分飛悵芳魂於
烏府德音如在寵命宜隆茲特加贈爾為恭人祇承
三命之榮永耀千秋之譽

制曰人臣執簡而入持斧而出夙夜在公義不復顧其
私非內有能婦曷足任閫政免內恤則第翟偕繡衣
並著矣爾太僕寺少卿仍管陝西道監察御史何可

及繼室史氏毓自名門儼於哲士絃續和鳴之韻克
紹前徽頻將孝敬之儀善持中饋識超笄黛貴不忘
勤志謝鉛華賢而茹淡軋軋以礪補衮襄風烈於繡
衣垂垂而砥素絲佐霜華於白簡茲特加封爾為恭
人茂春握蘭之秀丕光列栢之榮

禮科給事中楊棟朝初任知縣勅命

勅曰朕以冲年嗣基寅畏六寶賴二三瑣闥之彥朝夕
紀繩以匡不逮即輦闕或未及補而陪畿風采之任

有毅然克舉者亦朕所嘉藉以達我四聰疏恩豈有

後焉爾南京禮科給事中楊棟朝才望魁竒風神峻
朗蜚英甲第卓然騏驥空群展驥上湘蔚爾鳳鸞騰
誦循良之績既奏耳目之任攸隆爰晉留垣特資清
議凡朕之用人行政爾可密慮而昌言即爾之獻可
替否朕且虛襟而樂受詎以迹之遠近而眷有崇夷
和其在陰惟上下之一德舉以為勸昭內外之均榮
是用覃恩授爾階微仕郎錫之勅命夫吏以試最陟
明應弓旌之召者非直一二數而爾獨以三湘卓異
震直聲於金陵根本之區朕所以轉移推擇其間者

良有為矣爾母後遣羽之鵠而遜橫秋之鶚使予一人寤寐思皇之意徒為汶汶者梯榮也爾必勉之且有後命

勅曰齊聞石窰漢有延鄉堂直士負名高光照千里即中饋之不失而有襄於簠簋之克修伉儷稱賢尤光彤史朕有不亟用褒嘉者乎爾南京禮科給事中楊棟朝妻封孺人羅氏坤章效順恒德自貞既緝且匡機杼躬勞乎蠶月脫簪及珥房帷無尚乎春華事大父於壽康相夫子以名世副珈已登貴顯曳綈猶習

寒微秩既同東武亭之妻封寧讓南城侯之婦是用
覃恩仍封爾為孺人益懋相成之誼尚膺渥至之榮
贈段高選尚寶司卿誥命

制曰朕惟守土之臣存亡與俱其有抗節嶙峋義不反
顧者今古同憐矧閤門赴難三世効忠此而無愍冊
以褒庸之誰為朕效封疆者爾原任四川重慶府巴
縣知縣段高選金華發瑞高第起家長才初試失烹
鮮利器別能於盤錯已人載頌方歌士治重來奢逆
蹶張倏爾涪江鼎沸而爾挺身捍禦決志殲巢視死

如歸字

朝廷之佩紱仰天罵賊蹈白刃以何辭白日蝕幽光洞
夷氣奪疾風吹勁草全蜀悲哀可稱烈烈丈夫不愧
臣節者矣矧爾父爾母慘毒同罹弱息孤兒一時殉
難合祖孫父子而死忠死孝信億奕千載而可悲可
風爾子萬里叩閭朕甚憫之特贈爾為尚寶司卿錫
之誥命嗚呼百齡露電千載岳星朕已為爾行易名
特祀卹廕誅銘之典以慰忠魂庶幾青燐碧血長笑
夜臺汗簡瑱珉於昭日月九原如可作也汝其歆哉

加贈段高選光祿寺卿誥命

制曰簡挺嶙峋樹臣隣之砥柱名垂琰琬昭當代之衮
褒正氣不阻崇階特晉爾原任重慶府巴縣知縣贈
尚寶司卿段高選神懷英敏風節道騫擢自彤廷試
之赤邑瀛山清迴鶴羽案牘庾稀渝水靜入琴絃桑
麻野遍屬逆酋生心出押致健令斷古膏原嬰城何
惜乎一軀闔戶竟隕夫八命血飛化碧裏激流丹是
用改贈爾為光祿寺卿於戲貫霄漢而燦星辰勁骨
尚馨於宿草行弓裘而光史冊孤貞永揭於亟芝

諭祭原任四川重慶府巴縣知縣今贈光祿寺卿段高
選曰惟爾性秉孤貞才博繁劇當蘭首之釀亂傷烈
士之臨危自一門視死如歸合三世完名全節贈以
祿勲清秩加於初命符卿爾父知縣汝元等一體旌
表優恤祔祠瞻碧草之長春式黃墟之永賁靈其不
昧尚克欽承

錦衣衛指揮同知段昉并妻誥命

制曰職司禁闥風清輦轂之塵垣列星文色燦勾陳之

座忠能鼓勇賞以懋功爾錦衣衛南鎮撫司掌司事

署指揮同知指揮僉事段昺起衆鉛槧為國干楨殉
義闔門一綫留忠魂之烈宣勞侍直千秋奮壯志之
雄理平反於東司識迎生氣秉蕃宣於南鎮續著祥
刑佩劍戟以周廬嫺韜鈴而宿衛班躋蘭綺寵被芝
函是用覃恩授爾階明威將軍錫之誥命漢置南軍
八校資於乘馬武增中尉五兵隸於京師恢乃新猷
服茲舊德

制曰絲綸赫赫崇德為先國典煌煌惟賢是錫畫戟表
名衆之峻閎彤弓昭濟世之弘勛爾錦衣衛南鎮撫

司掌司事署指揮同知指揮僉事段昺器識宏深才
猷練達預稱國寶詩書躍起干城懋爾衆乘璫璆素
嫻韜略作干櫓於南鎮壯志後先扁鎖鑰於此門小
心夙夜偉伐式昭於禁掖芳聲丕著於朝紳茲晉授
爾階為明威將軍錫之誥命於戲功高賞懋烈文之
惠無疆德大福宏戩穀之宜方始爾其祇承休命益
播清芬

制曰干城續懋輶琫抱恨於鳴琴屏翰功彰伉儷情生
於解佩遺桂足念賁簡增榮爾錦衣衛南鎮撫司掌